

瑞金縣志卷四

武進張國英重修

營建志<sub>下</sub>

祠廟壇壝

藥局育嬰堂養濟院普同塔附

古之治民者通於事神蓋幽明一理能知小民之依者則知鬼神之情狀故季路問事鬼神子曰未能事人焉能事鬼邑之有壇壝祠廟凡以為民耳曰社稷曰山川風雲雷雨曰先農曰城隍神之靈者也曰忠烈曰忠令鬼之靈者也載在祀典正官祭之宜矣若鄉邑之厲非有功於民者壇於北郊歲三祀之何也曰亦以為民也蓋鬼無所歸其精氣類能感召旱疫以為民害有主之者庶得所憑依焉耳若夫壯繆之神旌陽之觀英顯之廟與夫陽明去思之祠或邦之曩哲有捍災禦患之功或昔之賢令有甘棠勿翦之德祠而祀之猶或享焉至于天符太子平浪將軍七姑三仙等廟雖屬不經而民情好尚之所存相沿已久固亦載筆者之所不能廢也故以類相附云

社稷壇縣西半里

明洪武庚戌知縣劉寅建隆慶五年知縣呂若愚

國朝

康熙辛酉知縣徐友貞相繼重修雍正十年知縣徐希茂奉文倡修十二年知縣馬士奇續成舊址狹時監生

楊德大送出魚塘一口填塞以廣壇址週百二牆十文磬抵完為壇壇東牆外存店房一間每歲收租錢三百二十文抵完為

塘糧壇西牆外空橫至塘塍濶一丈直後空八丈每歲收至錢一百四十文河邊更衣亭屋一所屋後空八丈每歲收至

瑞金縣志

卷四

祠廟壇壝

一

柴寮至河岸長三文橫  
闊四丈應收租歸公

按社稷壇在夏坊郭志載有東邊店房一間每年收租錢三百二十文嘉慶十三年知縣惲敬清查東邊並無店房傳訊左右居民僉云東邊並未添造改造諒前次修志後將屋拆去地基圍入壇內勘明無疑時因壇牆頽圯諭令邑民陳景玕捐修需費百金給扁獎勵山川風雲雷雨壇縣南一里黃芝團明洪武庚戌知縣劉寅建嘉靖二十一年知縣趙勳重建祭日與社稷同

國朝雍正十年知縣馬士奇奉文重建因原壇迫狹遷于縣南營房岡離城二里

瑞金縣志

卷四

祠廟壇壝

二

先農祠縣北一里雍正四年建祠外爲壇旁爲神倉前爲藉田肆畝玖分每歲仲春亥日致祭并行耕藉禮

舊按先農神廟向時邑人卽毓秀臺舊址建屋其上爲先農壇嘉慶二十二年知縣蔣方增倡率邑紳重修移建神廟于臺前地基平廣仍於山阜上建臺以復毓秀臺舊蹟焉

按知縣蔣所建神廟湫隘道光戊戌候選道鍾盛昌舊廟前平廣處捐金改建祀先農處廣築方壇壇前構左室爲藏神主及齊潔更衣之所繚以周垣咸豐七年寇燬祠室同治九年知縣梅修復

清查藉田附載于後

藉谷早田五工計一坵每工載糧四合二勺八抄共糧二升一合四勺土名龍堆下雍正五年知縣徐希茂捐銀三十兩向縣民劉秀穎買置歷係楊禹重佃耕每年納谷六石有認租字存案

邑厲壇縣北一里明洪武庚戌知縣劉寅建嘉靖間凡兩修歲清明中元十月朔日祭

城隍廟在縣治右宋始建元至正戊子縣尹曾仕魯重建明洪武三十年主簿周仲賓永樂乙未年知縣詹大天順辛巳年典史林生嘉靖己亥知縣王鈇相繼重修隆慶己巳

瑞金縣志

卷四

祠廟壇壝

三

知縣呂若愚新增道房五間

國朝乾隆十八年知縣郭燦同合邑士民重建嘉慶二十二年知縣蔣方增湖陂司張曾漢瑞林司金森典史劉棠捐俸倡率合邑士民重新之先是神廟後棟左邊正間係廚房同治十一年知縣孫因敝興修十三年署縣張修備龍神殿移建廚房于廟後其基址本謝宅房屋邑人張遂徽劉步翔楊家璵賴邦珍楊次華劉貢廷劉享廷王翰元捐買出送入廟內

附廟內田畝

明知縣呂若愚置田十工以贍看守之人坐落常鄉石埕載

民糧四升每年納租十石令道士自收又於雜色牙行等處取麻油一百觔以供神前每夜燈油之需又明時賢鄉民葉茂之私墾田一十五畝壩土八畝知縣黃斷歸廟內向納租一十五石二角壩土納租銀二兩四錢後佃人將壩土六畝墾成水田至雍正十一年知縣馬士奇親丈出成熟水田二十一畝併原田大共三十六畝共納精租二十二石零二角外壩土二畝納銀六錢各佃分耕立有賃字坐落土名賢鄉徐口河軍田壩廖村壩東至狗池潭南至大河西至軍田北至軍田壩路爲界原載糧七升二合新陞科米七升四合二勺四抄二共糧米一斗四升零

瑞金縣志

卷四

祠廟壇壝

四

國朝喜慶二十四年知縣蔣斷邑民邱思俊私懇官荒退與鍾章儼卽章念田租一石坐落桐木隘講教寺冷水坑大小田四坵每年完租谷一石歸廟內充公永作香燈之費立賃存案

文昌帝君向未立宮廟每歲借祀於書院之致道堂咸豐六年禮部奏准升入中祀樂用六成舞用六佾春祭以二月初三日秋祭以八月諏吉致祭

關帝廟一在南門城外雍正五年奉

詔春秋二仲巳日及五月十三日致祭并祀神三代乾隆十一年知縣滿岱率紳士鼎建後寢以安神三代神位道光間

知縣李世琦率紳士重修甚整咸豐三年禮部奏准升入中祀咸豐七年寇燬一在澧龍橋北岸後爲碑亭上爲鰲極樓亦被賊燬市人募金修復

陽明祠舊在綿江書院右明嘉靖壬戌知縣張書紳遷于勝四寺右隆慶庚午知縣呂若愚改遷入書院而以前令王鈇配享以書院故鈇所創始也萬歷壬寅知縣堵奎臨以呂有贍祠功復躋呂配焉萬歷丁巳知縣潘舜歷捐俸重修詳見書院記

舊按呂公舊志載陽明王公正德丁丑提兵駐瑞稍暇則進諸生講明正學開導引掖期于身踐僅一月餘衆

樂化之因畱題于壁間丙戌歲大水泛溢城內外牆壁無不崩沒是壁獨存人咸異焉至今墨蹟猶新前縣朱志曰王公講學雖在察院卽今之書院也蓋當時寇發暫借書院爲都察院行署非今之察院也今之察院乃按察分司所改非王公題壁故處王公題壁在書院今亦漫滅矣前縣呂若愚祀王公像于書院而改曰陽明祠仍爲書院以其過化功故卽其地祀之以前縣王鈇配享更撥人看守置田六工坐落常鄉一里石埕以爲工食之需則是祠與書院一耳以其先故有陽明祠也故並見焉

忠令祠在縣治北龍頸街明正德己卯知縣鮑珉爲前任死  
難知縣萬琛建名曰萬公祠嘉靖庚子知縣王鈺遷于府  
館內丙辰大水衝圯隆慶己巳知縣呂若愚重修顏曰忠  
令祠置田四工坐落常鄉石埕每年收租四石以贍看守  
之人後廢

國朝康熙六十年知縣任澧重建仍曰萬公祠并祀諸陣亡者  
明嘉靖三十六年賊寇三壩義勇鍾華鐸鍾憲朝謝榮恩  
劉瑞明劉瑞秀廖應祥易明志蕭舜標劉愷李承仲湯克  
亮陽五鄭才郭余萬戰死於陣知縣程宗舜申詳隨奉督  
院命附忠令祠祀之

瑞金縣志

卷四

祠廟壇壝

六

崇禎十八年流寇謝志良圍城招召諸生李開上武生李  
生艷統集鄉勇千餘護城與賊對敵二人俱死

順治五年江賊圍城將軍李應進自汀州統兵殺賊全城進  
祀忠令祠時排門義勇朱正榮楊耀明張道宏楊自超李  
如錦楊九劉一諫夏有賢謝時生胡思德劉有祿郭爵一  
許弈昌陳進財樂啟元劉秉初劉時生彭夏陳先元楊長  
子劉加璜鍾延高楊兆惠文顯正謙意如胡興楊以選楊  
兆觀劉世芳羅述先彭過子鍾富曾彩非鍾二危德榮彭  
日華江井子胡朝一楊年吳應魁孫綝朱運龍康君瑞胡  
黃毛子陳勝龍楊以助陳長生易老祖謝元庫劉武祥楊

大德鄧君聘池大勝陳應舉涂子龍江玉珣李龍廖必祥  
袁紹宗周典富宋德隆陳大滿劉德我歐存涑周祚譚達  
顯陳月廷周德釗鄒大傳黃萬福岳二龍劉國業郭顯德  
康予生鍾瑞祥胡石生曾日宣王順清楊以勛劉惟貞陳  
仰龍周如栢嚴貴卿楊自順周奇僧行粹江雲初華仁生  
朱世隆張顯舉鍾愚明胡石老邱四穩袁子康李廷對鍾  
文俊許添鍾士奇鄒道倫危倫生張如栢楊自遴危然貢  
李惟鼎劉元本楊兆連楊惟實管鳳齡共一百零八人戰  
死於陣同附忠令祠

舊按嘉慶九年知縣惲重修邑生員陳蓮青捐貲經理

瑞金縣志

卷四

祠廟壇壝

七

記見藝文志

節孝祠在龍頸街雍正二年建祀

明節婦楊萬璞妻曾氏

鍾宗禮妻賴氏

湯世奇妻鄧氏

貞女謝氏鸞姑

烈婦許授誥妻鄧氏

李常森妻劉氏

節婦楊正茂妻蘇氏

鍾華璉妻朱氏

郭元欽妻楊氏

烈婦許宗慶妻劉氏

謝棟妻郭氏

劉尚卿妻鍾氏

國朝烈婦毛冠易妻廖氏

節婦鄧先楫妻張氏

劉世延妻康氏

員生賴聖學妻楊氏

劉芳聯妻朱氏

劉浩然妻陳氏

楊其寬妻毛氏

員生楊兆嶧妻鍾氏

賴時蓮妻朱氏

楊以泌妻袁氏

陳尚忠妻鄧氏

員生李聲妻賴氏

楊方翟妻謝氏

劉芳忠妻楊氏

員生楊兆濂妻賴氏

鄒學律妻劉氏

員生陳忠達妻謝氏

員生賴聖銳妻林氏

郭遠詩妻鍾氏

羅大璜妻鍾氏

賴聖麒妻劉氏

員生賴聖銓妻彭氏

楊枝益妻吳氏

楊于仕妻鍾氏

瑞金縣志

卷四

祠廟壇壝

八

陳嘉濬妻楊氏

詹武蘭妻蕭氏

鍾敷霖妻楊氏

明節婦劉恩治妻許氏  
烈座六席

以上各祠俱春秋仲月上丁日祭咸豐七年祠燬於寇  
同治十三年各後裔捐金修復

去思祠在綿江書院右明隆慶三年知縣呂若愚建祀明知

縣鄭禧王鈇趙勳教諭胡汝器典史林生五人置常鄉石

埕田五工每年收租五石以供祭祀及守祠人工食之需

萬歷壬寅知縣堵奎臨進祀署縣經歷王繼明知縣呂若

愚訓導余仁濟壬子知縣項元濂進祀訓導吳孟芳戊午

知縣潘舜歷進祀署縣南安同知鄧原玉知縣林德廣堵



奎臨項元濂訓導費朝宗夏霑崇禎癸未知縣熊文夢進祀教諭曠世瑾

國朝康熙丙午知縣孫剛進祀知縣郭懷琮甲戌重建

乾隆八年丈

明祠屋深三丈三尺前院直長三丈五尺橫濶四丈三尺八寸

忠烈祠在縣治右明隆慶五年知縣呂若愚爲宋諫議大夫

劉鵬北靖州知州劉舉夔父子建扁曰忠烈置田十工坐

落土名野湖塘下每年令其

族孫一人收租以供祭祀葺理之需祭文碑文見藝文志

國朝康熙癸酉其族裔芳聖芳綱等重修丁酉芳聖芳綱孝亮等重建後寢以祀公祖父吳江張太史損持有記咸豐丙辰族裔秀瑜等重修丁巳被逆毀同治丁卯德蕙等修復

瑞金縣志

卷四

祠廟壇壝

九

五賢祠在龍珠寺左明末孝廉朱國卿諸生謝長良楊兆隆謝啟彥同國博楊以任兄弟講業處名赤水居後國卿卒于公車長良兆隆啟彥三人赴省城舟泊臨江橫梁夜半遇盜三人同赴水死以任傷之請于知縣吳可敷吳固憐其才爲立四賢祠自爲記後人以前令堵奎臨有建塔寺功并祀之爲五賢祠今廢

董公祠在縣南放生庵後祀平寇總兵董大用乾隆十年燬於火後修祠設像咸豐七年寇燬

貞烈祠在縣治西爲許宗慶妻劉氏建

旗纛廟在南門城內寇燬光緒元年修復

英顯廟一在城內龍頸街元至正間縣尹曾仕魯建祀三馮侯又曰侯王廟今改額曰馮侯廟

國朝雍正十五年邑人劉光祖倡衆重建乾隆十五年邑人謝濤等募衆重修一在北城外大街雍正十三年邑人劉芳孝等倡衆重建規制比前增五倍一在壬田寨

舊志云宋紹興十六年賜廟額曰英顯其後屢著靈應封祥興明應侯祥禎順應侯祥兆嘉應侯今皆不

可考姑附識于此

仙太閣在縣南高桂街口祀痘神明萬歷間合坊衆姓捐貲鼎建咸豐七年寇燬同治十二年鄧蘊山等募金修復水府廟在縣西南一里竹岡

瑞金縣志

卷四

祠廟壇壝

十

平浪王廟在雙清橋東岸又曰楊泗將軍廟其前後左右地基俱王孕基楊優五朱明我廉玉捐出

東平王廟在城東北一里近東山寺祀張令公

龔公廟在縣南河背街咸豐七年寇燬同治十三年鄧蘊山等募金修復

劉十六郎廟一在智鄉瑞林寨一在黃沙隘塘背乾隆十年監生賴貢倡衆鼎新并呈縣清復舊址僉云此卽十六郎原宅

七姑祠縣廨之西明萬歷甲午知縣百有聲建

舊志云七姑者不知何神也遍稽土人皆無所考或云紫姑竈姑合而爲七又有謂隸北斗七星疑其配也益妄談

不經訊之箕卜亦第云生於斯黃其姓遂以爲銀渚黃姑  
或降靈茲土乎然考江右通志有戚姑山神甚靈異恐其  
是也戚之爲七猶拾遺之爲十姨耳然鄉城香火甚盛此  
祠尤多顯著前令祈禱輒應萬歷丁巳知縣潘舜歷曾修  
葺之前建亭曰芝亭

眞武廟在縣東北十里東華山

康趙廟在河背街咸豐七年寇燬同治十二年楊家宏等募  
金修復

趙公廟一在西門外大街向爲趙公樓一名金輪閣後改建  
廟于街北咸豐七年寇燬同治 年首士楊配椿楊元芸

瑞金縣志

卷四

祠廟壇壝

十一

郭青藹增廣後棟地基同治 年賴輝渠王吉榆胡會鳳  
賴文橋楊配椿等募金重建一在雲龍橋南岸邑人楊文  
壽捐地鼎建額曰玄壇咸豐七年寇燬同治八年楊伯元  
邀集紳首鍾小溪楊雲樵劉樹春楊其璜賴吉人李樂楨  
楊希昌楊元愨胡運初賴啟祥楊愛林暨僑居紳崇福元  
姜發隆金聲號吳玉麟興工彙集樂助修復

火神廟在眞君閣右今廢

靈山廟在西門外大街之西一名天符官祀天符太子乾隆

二年胡青選登苑非璞楊汝炫索夫超羣廖掄才絢啟錫  
儲賴宁光佐廉聯夫李思泮錦士泮士五姓等重建

咸豐七年寇燬

仙太廟在靈山廟右祀痘神一名聖母宮雍正三年邑人楊方堅募建重新咸豐七年寇燬同治七年楊喜中等募金修復一在壬田寨圍下

石婆廟在西城外一里夏坊下有灘名石婆廟灘又名鶯婆渡咸豐七年寇燬

英佑侯廟在雙清橋西岸其地基劉逸仙施出

東嶽廟在東門外背城面河右爲東勝禪院寇燬

江東廟在西城內康熙丁亥火己丑重建咸豐七年寇燬今修署縣張增前棟

河神廟在浮鄉四里武陽圍

三仙廟在桃陽隘

瑞金縣志

卷四

祠廟壇壝

十二

眞君閣在縣南一里黃枝團明成化丁卯邑人劉芳捐地鼎建

國朝雍正乙巳重修樓閣乾隆己未勅建參亭及左邊翼屋庚

申增拓閣後基址監造僧房

附乙巳年倡建閣首事楊長瑞歐陽達陳受湯劉甲聯  
劉啟遠等己未年建參亭首事楊方素柯錫綸劉淮歐  
陽嘉劉啟迅等庚申年建僧房首事楊方泰劉運柯錫  
綸劉遙等其參亭外街口地基一角係陳堯章劉鐵面  
羅遠善  
施出

舊按嘉慶丙寅年閣燬于火僅存基址越五年邑紳士

商議改建各踴躍樂輸中構正殿三楹以妥

眞君神位左殿祀財神右殿祀五顯華光神外左向上祀

觀音神位直下廚房數間前爲歌臺重簷巨棟爽塏宏深視  
舊日規模迥異共需費一萬三千有奇又觀音堂後右  
向油行一所烟棚一所棧房一所左邊河墘廁所一間  
牆外空土一塊直二丈五尺橫二丈所有行棧店稅每  
年可得租錢一百一十四千文以爲神會及修理之費  
又廟內觀音堂及左邊近河弦地基橫直共二十七丈  
係劉名坤等捐出咸豐七年寇燬同治元年劉樹春倡  
修前上棟十三年首士楊希昌楊賡朝楊伯元危心垚劉  
奏南楊喜中賴靄雲胡國宋鍾德桂鍾國興楊愛林劉  
聲榮募金修復中棟及大門牌坊

瑞金縣志

卷四

祠廟壇壝

十三

福主廟在縣治西南十五里小舟坊明天啟間邑人邱敬塘  
捐建祀唐將軍馮氏兄弟

國朝康熙丙戌年大水漂沒乾隆壬戌歲邱仁輔邱韶邱秀時  
邱仲啟等倡衆姓重建廟前左邊社公壇其山土地基俱  
邱姓施出

天后宮在城外黃枝團乾隆十七年福建紳士興建嘉慶十  
六年遭回祿十八年重建

原首事謝臣度項翼霄續建首  
事胡壽昌等寇燬今修復

積慶宮嘉慶六年奉

旨崇祀閩省捐貲恭造前後左右基址詳列於後

一殿後直至河墘四十四丈七尺橫寬十九丈

一左右牆外俱係官街大路

一左邊牆外空地一塊

一右邊後角魚塘一口契買劉姓之業

仁壽宮在城外通盪街雍正年間臨江府屬士商購買曹姓

地基建造乾隆五十三年重修

首事楊魯元等咸豐七年寇燬今修

藥局育嬰堂養濟院普同塔附

惠民藥局卽醫學

今廢

育嬰堂在縣治右

舊按縣治右卽城守營對過雍正年間建造年久傾圮向無經費亦未設有公項嘉慶廿一年知縣蔣查出破

瑞金縣志

卷四

育嬰堂普同塔等附

十四

屋二間背城面街基址僅止丈餘因捐廉八十三千置買東關城內天字號學背劉傳俊兄弟房屋一所正廳一間倒座一間左邊一連四間空坪一塊右邊一連二間共計八間東以楊姓柱櫺西以官街南以楊姓出路北以官街爲界懸立育嬰堂扁額擬陸續勸輸樂助俟經費寬餘再行出示收養所有原屋朽料估銀十二兩據劉傳俊照數繳案批給修復舊基居住每年定納地租銀八分一厘六毫

再嘉慶二十二年知縣蔣斷入充公田租八十餘石因該田距縣八九十里山路崎嶇完租不便旋據呈請繳

價贖回斷租體訪輿情亦以瑞邑素鮮溺女之風間有貧乏之家祇肯抱養與人爲媳從無送堂乳哺者于道光元年已詳明本州立案聽其繳價另充地方公用

新增

前知縣蔣所建育嬰堂於咸豐七年被流寇燬盡所云贖田繳價另充地方公用其實事無從查考劉傳俊所住舊基之屋亦燬祇有地基尙存同治十三年署縣張國英勸捐復建邑中紳耆捐助雲集乃命邑紳劉德裕董其事因蔣建舊基淺隘難增廬舍德裕捐金買就許振瓊毗連地基一塊橫直四丈有餘於四月興工九月告竣爲上下廳

者二上廳奉觀音大士像左右爲長房共四兩廊下左右房各二前爲檐階階上爲小閣左右房各一外爲大門參以長檐門楣懸額上廳後爲倒廳作尙義祠安捐助姓名牌位廳門外檐下爲坪設化字爐二周環磚牆較舊建深而寬廣約計費千有餘金造屋外更籌乳養之資俟公項恢擴後酌定成規現在紳耆所捐或田或店或洋銀制緡錢爰立簿書明姓名捐數永遠爲據併勒石碑垂後其捐數銀錢捌拾以上者書牌入尙義祠今將捐助田店并置買業產列後

一羅積念捐助智鄉黃沙處田一戶載額租叁拾叁石半又

同處黃金坑墘內田一戶又黃金坑門首田一戶共載額租壹拾叁石內除納正租叁石貳斗壹升柒合又鴨漣壩田一戶載額租拾伍石又屋背坑田一戶載租貳石以上總共載額租陸拾石零貳斗捌升叁合繳契伍紙爲據

一楊雲樵  
鍾小溪

合捐助雲龍橋頭煙葉街收字號廝共店房壹直

貳棟每年收租錢貳拾陸千文

一鍾唐裔公堂捐助皮骨租壹拾石

一楊鴻儒公堂捐助皮骨租壹拾石

一俞建勳公堂捐助皮骨租陸石

一買鍾寶崑浮田墘皮骨田叁拾柒工大小共計貳拾陸坵

瑞金縣志

卷四

育嬰堂普同塔等附

十六

納租壹百壹拾肆石共去價柒兌洋銀壹千壹百肆拾元每工載糧肆合共計糧壹斗肆升捌合正繳契爲據

一典鍾寶崑原典廖宅雲龍橋頭水巷口上手轉角店房壹直連櫛共貳間并退就劉宅市岸店底共去典價銅錢貳百捌拾千文內寶崑除樂助錢壹百千文實去錢壹百捌拾千文每年收店租錢貳拾捌千文正

養濟院舊在城內明隆慶四年知縣呂若愚改建于西城外勝因寺右咸豐七年燬同治九年知縣孫修復光緒元年知縣張增修並建門樓

普同塔在南岡龍山右康熙間知縣朱維高率僧維喆勸建



塔凡三座中爲地藏院左爲男塔右爲女塔凡死而無歸者藏骨其中日久漸圯乾隆十年僧翠巖同邑紳士鍾泰嶽楊枝昂黃承章賴定俸劉份楊其重朱芾楊長縉鄧曰馭等募衆重建并于馮屋岡買徐宅荒山一片將枯骸三百餘具遷往安葬又置產立義祭每歲春秋祭奠嘉慶十五年署知縣周澍捐貲率同邑紳耆等重修有記載藝文志

按同治三年賊燬龍山庵及普同塔寄棺藏骨皆暴露風雨侵蝕賊去後邑紳楊世秀捐金遣人遷棺及骨于南塔岡棺記名姓可據者爲築墓立碑百餘穴骨殖無分別者作大穴藏骨其中又築衆靈總碑墳邀善士設普靈社爲春秋祭奠費期昭永久

#### 漏澤園附

- 一在舊軍營明嘉靖己丑知縣林榜建
- 一在東門外聶公壩
- 一在南門外山川壇下
- 一在西門外社稷壇邊
- 一在教場邊
- 一在北門外厲壇邊
- 一在縣北馮屋岡後

以上俱舊志所載

一鳥樟逕山兩岷監生謝其英施

一清香潭山民人謝允茲施

一水口黃口山民人曾帝珍施

一富堡七里坑山民人邱次林施

一仙坑山民人王安士施

一白布山監生廖遜遠施

一黃沙石結寒民人蔡必達施

一山公坑山民人陳遜嬰施

一丁陂棗子埤民人陳展儒施

瑞金縣志

卷四

漏澤園附

十八

一張姑埤一埂民人陳德良施

一湖陂隘橋頭地民人管正亨施

一白下埤地民人曾萬興施

一黃屋背地民人董思賢施

一車斷隘金星巒山岡練總陳介禧施

一鶯公隘黃沙陂山岡民人朱再昌施

一雙把塘山岡民人劉居所施

一范羅岡山岡民人許永昌施

一土圍隘蝦蟆眼山岡民人劉西湖施

一長賃頭山岡僧尚如施

一長**埤**土大坪腦土民人張汝鴻施

一黃柏隘官山腦山岡民人呂怡度施

一黃柏隘庵背坪及塘岡墟上下二陂山岡民人謝子甯施

一潭屋隘且息亭大坪腦生員曾殊度施

一王屋塘地民人熊體行施

一平地隘牛欄坑口地民人楊秉興施

一窰背坑山民人龔惟泰施

一焦溪棗子**埤**山民人蘇友霖施

一陳輦隘大黃岡尾監生盧渭熊施

瑞金縣志

卷四

漏澤園附

十九

一桃陽隘社下**埤**鄉飲張完忠施

以上係雍正十二年後瑞林湖陂二司冊報

一智鄉竹子嶼

一江面麻油坑山

一仙坑口山

以上三處俱廖子安嗣孫監生有元等施

一夏坊墩墓園廖潔矩施

一九堡宋屋岡山場鍾才大施

一潭屋隘大禾嶸古椿樹下山地明時民人熊成玉施至

國朝乾隆元年墳多崩破骸骨暴露成玉之孫體行與朱霞暉

詹殊廣許德儒德輝德游熊以璋張淑清張而山熊尚志  
朱光望丁扶九王世敏共十三人醵金起造二大塚將露  
骨掩埋又置田十一畝零以備每年祭奠及修理并續收  
遺骸之用

一抱方岡旱方嘴生員劉元度施

一賢鄉田心岡生員劉萬邦同弟萬簾施

一日東界**排**石土一塊橫直俱一千丈又大坪腦土一塊  
濶長俱一千丈一高陂一狐狸坑一塘子下俱張汝洪  
裔孫職監張正仁同叔生員應材兄生員世楊耀廷同  
施正仁男庠生宗洵又同昆弟叔姪合貲以起義祭每

歲清明祭奠

一三工垵土山一塊生員沈士偉施

一銅鉢山龍塘甲竹子嶼山一塊又白埠甲麻油坑山一  
嶂俱廖子安嗣孫監生有元等施

倉儲

管子曰倉廩實而知禮義蓋謂藏富于民非積貯于官也  
自漢耿壽昌創爲常平法而倉始領于官隋長孫平倣其  
意設立義倉宋朱子又置爲社倉于是州縣倉儲遂爲備  
荒之至計矣明洪武間命官出鈔收穀以備賑濟曰預備  
倉我

朝

列聖軫念民依加意撫綏所在州縣營衛各建常平倉多者積穀  
十餘萬石少亦不下二三萬石立法精詳雍正初

詔地方有司勸輸社倉士民踴躍樂從于是千室之邑百戶之

瑞金縣志

卷四 倉儲

二十一

鄉莫不盈厥溢棟雖有旱潦民無流散所謂積貯天下之  
大命豈不然乎然奉行不謹則弊緣以生一出一入不能  
不假手于吏胥則有中飽之虞採買補倉不能不派之里  
戶則有抑勒規避之端要必精勸詳慎杜漸防微使民享  
其利而無受其害斯爲得之是在良有司矣

永豐倉舊在城隍廟前明正德辛未知縣林禔改建于縣治  
東後改預備倉隆慶三年知縣呂若愚增建倉亭三間南  
北倉廩共十二間門樓一間萬歷二十二年左邊倉廩倒

塌知縣石有聲修整并爲九廩

贛州府志貯額  
穀一萬六千石

國朝康熙三十四年知縣田俞改寅賓館爲倉四十四年知縣

郭一豪新造八間共二十間十七間在縣衙後三間在縣治頭門左共額貯常平倉穀一萬二千石

按頭門左倉屋三間今廢嘉慶十七年知縣惲請領修倉公費今倉屋二十間俱在縣署後

### 社倉

智一鄉司前楓背甲一所貯穀五十一石六斗三合九勺六抄

里坊甲一所貯穀四十四石二斗二升七合三勺八抄  
水口下五甲一所貯穀七十三石五斗三升七合八勺九抄

### 瑞金縣志

#### 卷四

社倉

二十二

又一所貯穀四百零八石四斗

上五甲一所貯穀八十六石零三合

富堡大有社一所貯穀七十六石一升八合一勺五抄

黃沙一所貯穀五十八石八斗二升九合六勺七抄

穩村一所貯穀四十五石九斗五升八合六勺四抄

產龍一所貯穀七十六石七斗一升六合八勺六抄

丁陂一所貯穀七十石二斗七升二合二勺五抄

承一鄉平地隘三河墟一所貯穀三百四十六石一斗六

### 抄

浣溪甲一所貯穀九十六石八斗九升三合八勺五抄

承三鄉黃安東禪庵一所貯穀五十九石三升一合九勺  
浮一鄉東門團令公廟一所貯穀一十六石八斗八升六  
合七勺四抄

浮四鄉新中隘河公廟一所貯穀六百四十三石九升五  
合

桃陽隘庵子前一所貯穀七十九石三斗六升四合四  
抄

浮三鄉黃沙隘焦坊甲一所貯穀五十七石五斗二升六  
合四勺一抄

賢一鄉土圍隘仙太廟一所貯穀二十七石一升六合四

勺三抄

常一鄉潭屋隘插坵一所貯穀二十七石二斗八升七合  
一勺四抄

以上十九處穀二千三百四十四石七斗七升乾隆十  
五年存借本息合數也又舊志社倉八所浮一浮三浮  
四常一承一承三六所寄綿江書院賢一智一二所在  
本鄉肇于明萬歷甲午知縣石有聲奉巡撫陸萬垓檄  
建置虔臺輿圖云社倉九所共穀九百一十九石今附  
錄于此

舊按諸社穀於嘉慶四年八月奉

上諭仍聽本地殷實富戶擇其謹厚者自行辦理不必官吏經手  
欽此欽遵嗣後社穀不入交代惟未奉文以前有社長  
副繳存在庫社穀價銀三百七十六兩九錢九分六厘  
二毫知縣李清栻任內奉本州黃提存州庫  
舊志所載永豐倉及各社倉于咸豐七八年俱被寇燬今  
概無存



橋渡茶亭附

攷唐六典天下造舟之梁四石柱之梁四木柱之梁三國工修之餘皆所管州縣隨時營葺其大津無梁皆給船人重其大小難易以定其差等蓋其興作皆屬之官也夫郡邑之地谿迴谷阻一橋一渡必待命于官府則民之病涉者多矣故王制水涸成梁皆民自爲之上特著爲令甲以督率之耳但徒杠輿梁費儉而工省故可歲歲舉之莫或廢焉至若瑞之雲龍雙清等橋其雄麗綿亘幾與吳之寶帶閩之萬安潮之廣濟等糜費不貲必積數十年之久合千萬人之力而後可成苟非賢大夫倡之于上衆紳士助之于下豈能屢廢復興爲是久遠不拔之基哉乃首事者不惟捐貲以爲衆先且爭割腴產以資修葺或聯爲公會以贍興造更于四達之衢建亭以蔭行人給漿以飲渴者亦可見風俗淳厚民之樂于爲善而無倦也故詳悉志之以告後之司牧者

雲龍橋在南門外舊爲浮橋名曰綿福宋時邑人改造以木建亭其上紹興二十年令孟植重造丁亥郡守聶子述重修元至正癸巳燬于兵明洪武乙巳知縣劉德中復造浮橋橫布巨木洪武十年壞于水宏治間知縣李綸復造又廢嘉靖八年知縣林椿修造橋船一十六隻十三年大水

衝壞十四年知縣汪鑑典史何叔夜重造十九年知縣王  
鈺命省祭李箎危馴賴立董修砌石橋垂成復圯二十年  
都御史李公顯檄知縣趙勳相度地宜以畢前功乃移舊  
基二百餘步長二十丈濶二丈二尺高二丈爲石墩者六  
爲門五架木爲梁上覆以屋計一百二十八楹三十五年  
大水冲圯二墩將南岸楊姓田畝崩濶十餘丈隆慶五年  
知縣呂若愚率義官鄧喬進洪益泰楊可久劉節堅等三  
十五人勸募增建石墩五長二十五丈濶二丈二尺高二  
丈添建橋屋五十間緊接南岸萬歷丙戌大水冲圯戊子  
知縣區大憲率邑人楊勝森楊可與鄭仕利廖鑾春等募  
衆捐貲重建增高舊墩四尺乙未年燬于火邑人楊勝梧  
等捐貲重建甲寅年又燬知縣潘舜歷率橋寓人王學倫  
等募修崇禎初年橋店失火焚燬生員楊挺發挺標捐修  
南頭店肆後送虔院徵租充餉北頭則商民自建無餉

國朝順治乙酉八月賊將謝志良燬橋邑衆復修丁亥四月大  
水架木壓倒中墩商遭陷溺具呈虔院李奉批蠲豁橋餉  
順治辛卯知縣錢江招僧海嶼率民謝京顯鄧惟元等募  
造康熙丁巳原立新墩又崩邑人陳讓倡衆重修庚申五  
月大水又壞新墩陳讓捐銀三十兩餘少店民均攤修理  
丁丑五月圯于水是年冬知縣田俞倡率舉人楊方英等

始改作石梁成于辛巳爲墩十二甕門十一跨江五十三丈濶一丈五尺高二丈八尺翼以石欄建亭于橋之半拓北岸關帝廟後地爲碑亭勒石紀捐貲者姓名于橋邊隙地置店二間歲收其稅以備修理貲橋成百貨畢集行人絡繹不絕視昔倍加壯麗

董事舉人楊以兼胡朝極楊方英貢生賴時鳴朱雲映監生楊

兆岫楊兆滋胡朝統李應達生員胡奉立楊枝衍謝瑞鴻楊兆敦楊時儀張彬胡崑吏員陳堯章堯文耆民楊敷求

彭霞章胡聖世蕭弼襄楊迅飛李公彩楊汝敬楊德詔謝霞舉邱易元僧位居

丙戌五月大水中斷十餘丈邑人蕭弼襄等重修仍架木接之爲店屋四十餘間乾隆七年失火悉成煨燼延及兩頭石墩亦損壞頽圯知縣唐紀率紳士鍾泰嶽楊枝昂楊

其重賴定俸黃承章劉份等倡募重修石梁翼以石欄不起店屋三載告竣并清出上屆遺下白蓮寺營下田三十畝通盪街來字號烟行一所店房一間藏字號房屋一邊并交鍾泰嶽等管理每歲收租貯息以備修理之費又詳憲勒石示禁永不得于橋上開設店舖以防損壞

按雲龍橋管首遞承修理至咸豐七年夏月粵逆踞城於第七甕橋面積薪爇號火達旦橋石疊被煨裂後因大雨滲濕第七甕遂圯秋月縣城總局以衆貲修復雲龍橋業產前于道光元年知縣蔣查明細數開列於後

一 乾隆二年首事楊德簡等買劉裕昆白蓮寺營上早田

二十工納租十六担又通盪街房屋一所納稅錢十五吊又買胡頤侶白蓮寺口營上早田十三工納租十担又通盪街來字號房屋一所與楊惟周同買爲業房租均分

一乾隆十年管首賴佐廉等買田背村皮骨田十二工八合去價銀二百兩納租二十三担歷年拖欠無償至嘉慶十八年合邑紳士將此田售與楊海瞻爲業得價錢二百吊當卽買劉輔傳店房一間納租錢十九吊又十四年買賴秉純通盪街藏字號店房一間納租錢九吊一乾隆三十年首事楊及智等買郭熙聖仙下皮骨田十

二工又骨田四工共納租二十担又三十一年買楊綠村通盪街藏字號店房一間納租錢十九吊又三十三年買黃履仁浮田墩皮骨田十一工納租二十零半担一乾隆四十八年首事楊<sup>一川</sup>仰山買吳光挺營上皮田十二工納租七担又買營上吳祥珠吳光宗皮田六工納租三担一角

一嘉慶十五年首事楊輝野等買曾仁何橋頭街收字號行一所納稅錢四十一吊又買曾仁<sup>洪溶</sup>橋頭街收字號熊屋巷行一所納稅錢三十二吊

一嘉慶十七年首事鍾蔚黃劉樸村賴陶千等買浮四江

口曾昌涵骨田十二工二合二勺納租十三担半又買  
賴昌昱李塘皮骨田二工五合納租四担半又十九年  
買曾昌炎江口中賴皮骨田四工納租九担半又買賴  
巒洽江口中賴骨田五工納租五担又二十一年買賴  
光暹江口竹山下皮骨田一工納租三担又二十三年  
買楊其新橋頭烟葉街行一直三棟當即改造納稅錢  
四十吊又二十四年買劉貢廷西門外右邊店房一間  
納稅錢十吊又二十五年買楊唐氏浮田墩皮骨田六  
工納租十三担

新增產業

一嘉慶十八年首事鍾蔚黃賴桃千劉樸村買劉輔傳兄  
弟黃枝上半圍趙公廟對面雲龍橋下店房一直二棟  
第一間

一道光二年首事楊玉泉危懷臣劉樸村買劉弼臣通盪  
街水巷口閨字號店房一直二間

一道光六年首事楊玉泉劉樸村楊岳廷買劉敏斯日字  
號水星嶺下社公背田三坵又夾圳背日四坵共計皮  
骨田十工

一道光七年首事楊玉泉劉樸村楊岳廷買鄒道寅上茅  
山石板壠及排子壠上皮骨田二工

一道光十年買鄒靜軒鄒范芳武陽圍旗竿下龜形左隴  
山圳背山下隴等處皮骨田共計一十六工二合五勺  
一道光十二年首事廖超雲胡輝步買胡浩川生字號五  
龍岡攬腦墩及富家園門首皮骨田共四工五合門墩  
又買楊元檀生字號歷任墩橫山背火燒坵及高門墩  
皮骨田共三工

一道光十六年首事廖超雲胡輝步等買賴真素三學公  
堂管首賴晉如賴鏡初夏坊墩太平階大路邊田五工  
五合又灣橋上田二工五合又布鬢隴背堆下田三工  
又大路下過水坵田一坵又長堆邊上手田六工除與

楊家茂廝共二分之一實有皮骨田十工五合正

一道光二十二年首事廖超雲買鍾功養浮四新寨下田  
六工又畝上田四工半又龜形子田半工又水造背田  
一工七合又深塘田一工二合又下排岡路弦田一工  
又井下隴田半工又大陂頭下柏地田二工半又豹虎  
子阮田一處三工半共計田九處計皮骨廿一工四合  
一道光二十九年首事鍾梧岡買楊楚葵橋頭街收字號  
社壇下上街坐東向西店房一間

一道光二十六年首事鍾梧岡買楊鳳鳴南門岡大碼道  
上向昃辰字號封火房屋一所前上棟左右正間計四

間及倒座又後背花坪一隻又坪內大間一間隔壁小間一間及左右廂房上下廳面香火周圍出路等項  
一咸豐元年首事楊煥衢劉采玉賴厚園買楊達一公堂愛鉅等黃枝上半圍趙公廟背店房一間直進三丈二尺橫二丈零六寸

一咸豐元年買鍾梧岡浮田墩小土名案腦陂圳邊田十工又陂圳背馬腦坵田二工又赤砂廟背鐵尺坵田二工又蒲杓坵田一工又過水坵田五合又馬腦坵田三工蝦蟆壠田三工渡船腦田四工水圳頭田三工羅溪橋水圳邊田二工又過水坵田一工鄒屋背田二工秋

魚壠路墘下田一工陳台俱路墘下田一工又木橋頭田一工五合木橋頭竹馬岡脚下田三工石橋頭田一工又木橋頭田二工以上共計皮骨田四十三工  
一咸豐五年首事楊煥衢劉采玉賴厚園典楊敬如西門外寒字號雞鴨街坐北向南封火房屋一所大門外店房二直中有空土坪一塊其屋前後二棟並廳面倒坐正間共計八間正又茅茨一隻

以上產業契據俱交經管董事收存

按此橋兩旁向經前令示禁勒碑飭諭居民不可聚估貿易奈比年以來漸次弛禁初則搭棚設庄繼乃豎造房舖

鑿梁植柱磊石砌牆作爐劈薪熱燬損擊以致橋道狹隘  
往來擁擠每雨淋注水阻淖漬不但行者多艱而橋亦易  
於損壞前令累嚴示禁仍梗如故同治十二年九月予甫  
下車過而慨之卽飭差押拆所有棚寮庄舖限期搬遷現  
在橋道寬平晴雨俱便卽石梁欄柱亦無損壞之虞後之  
令斯土者其勿使稍弛焉則橋庶可永保矣張國英識

雙清橋卽北門橋原有大平木橋在渡之上康熙十一年邑  
人朱善卿等募捐修復康熙四十九年紳耆劉芳聖蕭弼  
襄等募捐創立石墩九上架木爲梁覆以瓦屋翼以欄干  
跨江二十八丈七尺橫濶一丈二尺五寸屋高二丈八尺

瑞金縣志

卷四

橋渡

三十二

先是邑人劉冰鑑捐田二十二畝五合鍾乾水楊望泉楊  
懷清范念梅捐田七畝四合朱居賢危漣漪朱有章捐田  
七畝劉資餘捐田十畝劉鮮睿蕭弼襄康禹定若鑑共捐  
田五畝康禹定若鑑又自捐田四畝王孕基捐東岸河邊  
地基一塊橫一丈直三丈又大路一條朱明我捐東岸河  
邊碑亭下地基一塊橫一丈一尺零直三丈零朱廉玉捐  
東岸河邊將軍廟及碑亭地基一塊橫三丈直二丈七尺  
楊優五捐東岸藥師堂地基一塊橫三丈直四丈五尺<sub>以上</sub>  
三人地基俱準劉逸仙捐西岸河邊蕭侯廟地基一塊橫  
作樂助銀兩三丈二尺直三丈兩岸並構有店房及原存餘利交賴君



選收貯生息置田二十三畝六合每年收租以備修葺至乾隆初橋漸壞兩岸士民朱牧夫等公舉庠生劉近山管理因年荒租少用費不給近山稍捐己貲濟用整修橋梁并建元帝閣于橋中始交下屆接管務期積累充拓庶橋工永固

舊按雙清橋于嘉慶二十一年十二月二十二日焚燬經地方紳士等設立木橋仍恐風雨老弱難行知縣蔣捐貲修造渡船二隻渡夫鍾林周具保固切結在案現擬志書刊成之後擇首士勸輸亟思所以興復焉按雙清橋于道光三年修成石橋完固無患

利濟橋卽南門橋康熙庚申年庠生王三聯等募建木橋因無常貲興廢不一後黃承章捐貲搭架康熙己亥楊聿元等始聯同志百十餘人醵金生息以贍橋渡雍正間貢生鄧兼二捐田十五畝羅士賡捐房屋二棟每歲收利租以備橋渡之費羅承旦施銀三十兩與衆贍橋渡

鷺婆渡橋先年里人楊汝受捐施乾隆二年三年楊方松捐貲搭架後乃聯兩岸士民一百二十餘人共爲橋會醵金生息先後置田三十餘畝每歲收租以贍橋渡

通濟橋在縣西北二十里元至正間邑人謝牢山重修後廢今以舟濟

羅溪橋在縣南五里一名澇溪元至正間邑人尹叔清建明成化間知縣鄭翼葺理後廢止存三墩嘉靖間省祭李簾募勸重修丙辰大水冲圯隆慶丁卯邑人李鐸加修馬道石墩辛未楊勝森捐貲重修木橋旋燬壬辰楊勝森賴學敬劉仕甫增墩四尺架木爲梁建屋覆之順治辛卯知縣錢江乃清橋會銀復一新之康熙壬子中墩崩塌邑人陳讓又清會銀并勸募重修雍正間李常聲首捐銀三十兩同劉繼美勸募重建石梁工未竣常聲繼美俱故常聲之子巖又捐銀一百兩同繼美子曰楫督理完工

按羅溪橋于咸豐八年被賊設號火縣壞中圯劉李之

裔倡首勸募修復同治間修有記

羅口橋卽下羅溪石橋也舊係木橋生員楊明璋之母謝氏捐貲創三石墩架木梁屋其上順治丁亥山水大發衝沒橋梁邑人陳讓同衆增高石墩四尺架屋其上時有僑寓民人羅世偉王惟璉彭文部曾美良稍助工費康熙丙戌大水冲塌次年陳讓之子受祺等勸募重建石梁

武陽圍橋縣西南三十里路通會昌邑人鍾儀霄危孟紀創建石橋正德八年知縣葉繼本重修後圯嘉靖辛卯霄之子文表孫近治募建今廢以舟濟秋冬架弔橋

會通橋縣西南三十里路通會昌隆慶五年知縣呂若愚修

靈覺橋縣北三十里路接寧都隆慶五年知縣呂若愚命義民蘇祥瑞募建

嚴坑橋縣西五里雩會要津上下二座相隔里餘隆慶庚午知縣呂若愚命省祭梁思孔耆民鍾用世募建石橋記見藝文志後圯康熙三十九年貢生賴時鳴捐貲重建自有記

大埠橋縣西八里隆慶四年知縣呂若愚募修萬歷丙戌大水冲圯戊子知縣區大憲重修康熙辛巳知縣田俞勸募重建雍正辛酉鄉民重修

壬溪橋縣東北三十里舊有武鎮橋興廢不可考萬歷甲戌瑞金縣志

卷四 橋渡 三十五

邑人朱黻獨捐己貲九百八十兩跨溪爲橋長二十丈廣一丈五尺爲石墩四上覆以屋乙未燬于火黻之子善卿重建辛卯又燬知縣潘舜歷捐俸同朱善卿捐貲重建愈加完固明末燬于賊

國朝康熙壬戌黻之曾孫世官倡衆捐貲僧尚如雪浪募修康熙丙戌大水冲壞黻曾孫世逢生員朱大力大仁錫衍永遐同大宜大程錫億永京永亮等捐貲重修

彩虹橋在縣東北三十里舊爲壬溪橋乾隆間橋圯舊址崩濶衆議于舊址數十丈外另建新橋太學張世瑜獨捐銀二千餘兩成之胡文富捐出北岸店二間鄒殊清捐南岸

地基一塊橋成因更名彩虹

盆善橋在壬田寨汀州街口北接甯石南通閩汀建大木橋一座

逼雲橋在縣南一里溪子口今改曰凌雲橋

別口橋賢鄉一里明邑人朱黻捐貲鼎建上下石橋二座各計二墩日久頽廢同治五年州同鍾德音捐貲修復

南橋賢鄉一里生員朱天宿范起龍等倡建置田四十畝爲修理費

徐口橋賢鄉一里康熙四十六年鄭尚茂朱遜爵等募建後廢雍正間鍾吉祁等合銀設舟架橋又生息銀兩以贍橋

瑞金縣志

卷四 橋渡

三十六

渡

按橋在城北三十里爲壬田四達要路萬曆壬子鍾汝良邀同綿峯張季山張兩簡張楊峯鍾永諧夏文祥楊思泉八人合金起會架橋以利行人相沿百餘年其間張賡韶熊廷秩襄厥事遂合二人作一會共爲會者九

國朝康熙時橋會貲缺有鄭尙茂朱遜爵等募金造橋後仍廢雍正間橋會乃勉力生息置腴田二十七畝除橋渡費外餘租業二十七石鍾汝良之孫吉祁經理增貲唐裔之子禹陳接理擴至三千有奇乾隆四十三年遂易木以石橫津十丈延連五穹剩田業十七畝留爲修葺縣令金曾

爲記鐫碑橋岸厥後輟修時衆會將田業分訖尙遺息錢數十緡爲杪末後復分散咸豐癸亥衆會裔思繼先緒復釀金成會惟鍾永諧裔不與餘八會同心協力擴貲置業永贍橋梁

福壽橋平地隘烏坑

高陂橋浮鄉四里袁春蓉建

潭屋渡又名唐腹去縣二十里招召鄉官渡秋冬架木橋□長壽橋鍾盛昌建因潭屋渡木橋易之以石延連五穹後爲大水汎濫河道出于橋外其孫觀濂復建石墩十餘墩上架木橋以成厥事

瑞金縣志

卷四

橋渡

三十七

濟美橋縣南五里廟角邑人楊達一握仙胡玉佩李泮士等捐貲勸募鼎建又買浮田墩田五工以供修葺楊長縉有記

棠棣橋縣西十里藍玉團清水江邑人賴聖銔同姪定轍建新義橋常鄉一里

接翠橋智鄉一里謝瑞泰建

廣濟橋在承鄉一里池口隘雍正三年邑人梁价賓羅肇勉等募衆重建費三百餘金王羅二姓共置會田五十五畝以供修理

埠前橋去縣二十五里三壩邑人賴秉純捐銀一百八十兩

倡衆建造又聯集陳青苑陳步韓賴迅山朱輝騰賴喬白  
陳帝彩共爲橋會置左別田六工六合零以贍修理

涼灘橋去縣二十五里三壩邑人賴士璋捐銀五十兩倡衆  
同建

萬石墟橋去縣五十里

埠角橋縣西十五里七堡

黃鱔橋在智鄉李村張文龍謝燕謀張松亭羅儲美等募建  
黃坑口渡在智鄉明季庠生宋奏膚捐田六畝半以贍渡費  
陳龔二姓亦各捐田以助

白坑渡招召鄉一里

瑞金縣志

卷四

橋渡

三十八

茅山渡浮鄉四里袁春蓉建設渡屋一所置田十五畝贍之  
水南渡縣南五十里謝坊邑人劉福安子孫捐設併置烏頭  
壩及野鴨塘贍渡田九畝邑人朱芾有記

小舟坊爲善渡縣南十五里邑人邱仁輔等募設併置贍渡  
田四畝

謝坊大埠頭渡縣西南五十里明萬歷間雲南府經歷郭贊  
霖捐田二十畝以贍渡費

橋庵圍小石橋里人鍾吉祈捐修

繼官渡在縣前潭古渡久廢乾隆庚午邑人鄧周文施原買  
本處聶公壩田二十畝以贍渡費又出本銀二十兩生息

爲修船之費

會溪渡在九堡里人鍾餘瑞先年捐造石橋并砌石螺嶺路  
康熙丙戌大水冲崩石橋餘瑞子修膺廷士書佩捐田二  
十六畝贍渡并給庵僧渡子食用

舊按此渡今已廢其子孫繼施木橋仍以田租贍之

回龍橋在常鄉桃陽隘庵子前路通福建向架木橋歲被山  
水冲去康熙五十六年胡巍山楊次瑾鍾選臣等捐貲并  
募衆鼎建石橋上架屋覆瓦約費千餘金

三壩橋朱靜儉公堂施贍渡田三畝其子姓人等共起渡會  
以備修造

瑞金縣志

卷四

橋渡

三十九

金鵲橋在桃陽隘庵子前距城南十里許乾隆三十六年危  
彩霞鄧帝佐倡首募建石橋長十丈濶一丈三尺高二丈  
四尺有序記詩賦錄入藝文志

新造大埠橋離城八里李遐芳捐造費千餘金又乾隆四十  
年及五十八年前後修整俱係李姓捐修

江豬潭木橋在達逕隘離城五十里劉荆璧捐金倡首募建  
郭公灣渡在藍玉團邑西南七里許賴朋善等倡建并集里  
人起會以贍渡費

灞溪橋在承三鄉九堡灞溪鍾伯順公堂歷代捐施設有田  
數十畝以贍修費

山下口橋在智鄉郭起潛募建

遇緣橋在承鄉七堡隘初架木橋屢被暴漲冲塌雍正年間合隘居民醵金生息豎造石墩迨生息浩大乾隆年間建亭設茶復創廟宇邑人楊于琴作記勒石

福星橋在平地隘圓通門首先年架木爲梁溪漲頻仍屢修屢圮嘉慶二十二年里人雷祥瑞倡率募建石墩豎立碑記

東溪橋在平地隘院溪瓦子角乾隆三十八年里人陳晝先邀集温存輝陳長談陳光侶陳悅宸陳拔翠陳子永陳非赤陳蘊霓陳爾祿陳珮玉陳卞和陳繼廉陳長語陳舜弼

瑞金縣志

卷四 橋渡

四十

陳敷伍陳緝萬廖祥茂陳子俊十九人合銀二百有奇創造石橋嘉慶二十二年復捐二百金重修邑人陳作霖有記

文津橋縣前大成門外道光二年正月邑人張遂徽陳元品鍾瓊芳賴邦珍等募衆建造

### 新增

隘前橋在治北四十里縣路通甯都

鎖雲橋在羅漢巖庵前橫度八音澗爲陳石山十二景之一

埠角橋在七堡原係木橋道光年間鄉人捐貲改建石橋

湖溪村口橋監生陳懷忠等募建



南門橋頭渡鄧蘊山于同治十年捐造渡船十一年邀集紳耆醵金設濟渡會以爲修船及撐渡工食之費

### 茶亭附

羊眠岡亭在縣西南十五里大埠隘宋劉十六郎興師靖寇之處明天啟六年知縣梁宏建後圯生員梁牲重修又施田三工以贍修亭之需今廢

會章亭縣西一里隆慶壬申知縣呂若愚建萬歷癸卯知縣堵奎臨重建

迎恩亭今廢

接官亭在城西二里夏坊今廢

瑞金縣志

卷四

茶亭附

四十一

風雨亭在浮鄉四里明正德丁丑朱本堅建乾隆十二年本堅裔孫邀同賴士璋及邑中紳士鍾泰嶽楊枝昂劉份賴定俸楊其重楊達一公堂黃承章楊及綏等四十餘人共起茶會後分爲兩股邑中一股賴士璋鍾泰嶽等買郭公灣及歷任墾田共十二工鄉間一股朱本堅公堂等買郭公灣賴宅田六工每年收租合共施茶四箇月又陳慶甫公堂施茶一月

白華亭在邑南岡龍山邑人賴小蘇爲母祈壽建楊枝昂黃承章劉份鍾泰嶽賴定俸楊其重等五十餘人合銀二百餘兩生息置產以贍茶費

回龍亭在桃陽隘庵子前橋頭賴定俸黃承章劉份賴梯雲  
胡文翰賴士璋賴定僖鄧上釗鄧帝佐顧其賢邱仲文羅  
應泰高士元胡巍山胡采臣鍾學元十六人合銀生息買  
桃陽隘沙子塘田八工五合買營下田十五工半又買黃  
沙隘桐子坑田十三工七合半共糧一斗五升三合共租  
一百二十角四蠻升零每歲施茶五月  
賴婆垵亭浮鄉四里劍嶺下路通雩會邑人楊聿震賴秉純  
張騰上鄒逸山鍾盈祉李石峯楊次瑾楊及綏楊道南寥  
疇茲郭軼羣謝鵬士賴迅山章宇瑞聯爲茶會置田二十  
餘畝每歲施茶記見藝文志

瑞金縣志

卷四

茶亭附

四十二

繼善亭在城西四里觀音嶺原名樂善天啟六年飲賓賴惟  
棠建後圯惟棠曾孫定俸定轍等重修易名繼善亭下大  
路直通夏塘約長三百丈時有崩敗首事黃三明朱重繡  
楊德信賴岸羣楊德善雲賴佐廉楊聿祖胡佩珠蕭疊崖賴  
小蘇楊德現楊聿謨楊德廉溥等募修又釀金生息以備修  
補其路旁田地俱屬賴士蔚衆業每畝捐出尺餘以增濶  
路址

綠漪園茶亭城西二里貢生賴士蔚于己園外建亭并撥田  
收息施茶賴聖儻有記

興隆庵茶亭城西三里康熙六十年建首事楊聿震德信德

綱德攀聿澤聿舒聿遠苻侶及唐及中等共爲茶會置田三十餘畝每歲施茶五月

願豐亭縣西五里赤珠嶺明萬歷丙辰楊可慎建亭成適知縣潘舜歷勸農至此因額之曰願豐今廢

黃藤山亭縣北三十里路通寧石鍾定業施八工坑田十九工募僧每歲施茶

橫山茶亭縣西三十里鍾才大施田五畝其子右荆施田三畝每歲施茶

徐口河石亭在潭屋隘康熙間知縣霍禹謨建民人朱霞輝李元長施田煮茶又合同志共爲蓮池會置租四石零每

瑞金縣志

卷四

茶亭附

四十三

歲中元建醮以濟幽魂

陳輦茶亭盧渭熊倡建并施田二十畝以贍茶費

遇緣橋茶亭在常鄉七堡隘邑人楊聿衍曹策夫曹榮上曹

榮標曹愧恭曹愧衡鍾弼茲陳惟昌鍾啟任汪非絢曾尊

三曾有德曾儲三曾師望曹行素曹榮偉曹覺愚廖蘊山

楊聿瓊聿韶謝兆文謝冰高歐文山曾立學歐亮茲歐彩

侶廖行五廖愷夫王吉資黃德佺黃輝羣黃元治曾穆隣

曾佳凌楊及全楊及智曹宜山黃子澄廖馥喬曹錫繁曹

榮山邱士任楊靜夫合銀生息置買常鄉大埠橋趙田甲

下羅早晚田一十一工五合并皮骨載租二十一石莊居

所以贍施茶之費又買里田垵早田六工

新中隘賴婆垵大路邑人賴次瞻獨力捐砌五百餘丈

廣福亭在黃安隘梅岡甲離縣四十里康熙間鄉飲大賓毛榮璋捐建并建普覆庵一所施本處早晚田三十畝油山一處召僧住持每年收租以供施茶之費康熙甲寅之亂榮璋曾出粟賑饑

石螺嶺茶亭在縣西三十里里人鍾修膺捐田四畝收租以贍茶費

白石嶺茶亭在智鄉一里路通雩都明季庠生宋奏膚兄弟捐田施茶後亭傾圮乾隆戊辰陳伯美捐貲重修又施本

瑞金縣志

卷四

茶亭附

四十四

里嶼子腦田租四石木油租一百五十觔永爲施茶之費今廢

大埠橋茶亭賴定俸鍾泰嶽黃承章楊枝昇劉份楊其重楊枝鼎等五十餘人合銀一百五十兩生息置彥每歲施茶新茶亭在寒光寺前賴定俸等二十餘人合銀生息置產施茶

森木亭在智鄉繚繞岡張綠野構庵一所名曰迴龍每年捐土租給僧煮茶以飲行人後頽壞同治十一年羅家祆募貲修復

大埠隘新茶亭在縣西十里許乾隆丙寅年廖鼎士等集同

志起會買租田五十餘畝每年施茶數月

鷺公隘中灘甲洪江墩茶亭嘉慶十九年鍾陸庭捐建每年施茶四月又捐修石路數百丈

新增

歇得處茶亭縣北十二里旁建僧舍三間

憩征亭縣北十里鍾道素建

遇行亭在七里墩上面劉采玉建

風雨亭在縣治北平地隘麻子凹離城五十里路通甯都

道光丁未里人陳禛葵陳榮煥叔侄捐建

風雨亭在潭屋隘橫嶺屋背鄧家奇倡首建造

瑞金縣志

卷四

茶亭附

四十五

觀頤亭在縣西一百二十里智鄉下壩與雩邑交界處耆民

陳承培建

繼志亭在江面打鼓潭離城八十里監生劉于勳建

樂善亭即圍下茶亭北門外五里往渡頭瑞林寨吉袁通衢

廢于道光初年于同治十一年鄉人鍾文質黃麟士鍾文

振楊國芾等勸捐修復改爲樂善亭

天門凹茶亭劉國祥捐建施茶

龍頭水口茶亭劉旁招捐建設田九畝施茶

武陽圍平埠岡茶亭耆壽鄒日茗捐建

汀州坑茶亭張盛萱施早田三十四畝以膳看守工食

白蓮寺茶亭城東三十五里廩生謝階椿捐造

觀音嶼茶亭城東五十里盧仲昇公帑捐造

凌霄亭在南關外五里竹園嶼道光甲午知縣梁倡捐首事

胡宛中鄧諒中謝美中俞才和黎陞玉董建

永春亭在沙壩旱河橋頭墾上生員楊會溶建

律字號觀音前例貢劉德新捐貲施茶

遇客亭縣北黃栢隘黃栢濠距城十八里謝繼徽捐建徽平

生慷慨好善樂施凡義舉靡不勇爲鄉族有貧乏者捐貲

周之併于亭側造屋數間捐租募人看守暑月施茶

懷清亭縣北潭屋隘鮮水塘距城十七里謝深標捐建並造

瑞金縣志

卷四

茶亭附

四十六

側屋捐租募人看守暑月施茶

補橋渡

利濟橋渡在南關外同治十年鄧雲程捐貲造一渡船以利

行人次年邀集邑紳楊雲樵劉樹春等三十餘人共成一

社以爲修整膳工之費

含水河橋在潭屋隘信義墩距城十里於同治十一年里人

鍾德球捐建石橋一渡長

費一丈八尺濶一丈一尺高五尺

觀音石橋

在均田村水口距城二十五里前因洪水冲圮同治十二年里人楊著坤等倡首勸輸後又崩

頽次年復集衆信楊廷英謝德復前佩玠費金二千三百

楊善存許邦艾等八人捐貲修復前後約費金二千三百

餘兩行人賴之

園亭

邑之有名勝所以供憑眺也騷人逸士往往觴詠其中發懷古之深情如李贊皇之平泉山莊裴晉公之綠野堂歐陽公之醉翁亭蘇子瞻之喜雨亭經其地者無不低徊流連形諸歌詠況其爲桑梓之鄉乎至于庾園半畝陶閣三層旣結構之清幽亦棲遲而自適此又林下騷人巖間碩士所乘興於其中者故并志之

拱日樓在東城上康熙己卯建學改名青雲閣丙戌大水冲圯雍正庚戌重建

舊按青雪閣乾隆戊戌年貢生鍾東長捐修嘉慶元年

瑞金縣志

卷四

園亭

四十七

五月雷震梁柱焚裂適彼時改修水溝從閣下出水拆卸重造

翰閣在大成門上康熙己卯年建丙戌圯于水雍正庚戌重建乾隆癸酉重修

步雲樓在書院後上祀魁星下祀文昌

鰲極樓在雲龍橋北岸碑亭上上祀真武

毓秀臺在縣北二里明萬歷丁酉知縣林德廣建其地址係楊勝森劉恩助合族衆地送出爲公界管坎十捐助百餘金朱善卿捐募衆姓殫力區畫叠土成臺臺上建亭扁曰毓秀臺前建閣後年久閣廢臺基被水冲齧缺陷者多康

熙癸未知縣田俞同紳士復加培補重建高閣記詳藝文志

附首事舉人楊方英貢生楊騰鯤楊枝雲鍾定曦謝重拔朱雲映監生楊兆滋劉芳聖胡朝統謝崑生員宋演鄧之稔楊于觀賴惟覺鄧之稱楊士琅曾上楊時俸陳國宴楊謝道峻楊枝杰鄧翰文劉芳瓊朱其上楊時俸陳國宴楊兆吁

舊按此臺日久傾圮嘉慶丁丑知縣蔣倡率紳士卽其舊址建造石亭記見藝文志

天符宮後樓在西城外乾隆戊午重建

六友堂在縣南今廢

環山園在城東三里雙清橋北岸林木陰翳諸山環繞月池

瑞金縣志

卷四 園亭

四十八

曲徑隣寺三五前爲讀書草堂後顏爲去矜旁爲聽松閣徐來洞孝廉謝聘課子處

適園在西城外勝因寺後周遭皆池池上有今是軒漱芳亭右則古樟參天蔽日初爲心遠堂後圯于水改構爲劫後堂涉縣知縣楊以兼退休于此甯都魏禮有記

綠漪園在城西下塘明經賴時鳴讀書處中多古樹翠篠萬竿崇臺曲徑鑿池引泉有天然之致羅植花木四時不絕西南眺望塔影雲光烟樹迷離洵屬勝境伊孫定俸有記  
甘露閣在城南十二里黃沙隘松竇庵僧采若建創閣時有甘露降於松因以名閣甯都魏禮有記



釣月亭楊兆誠讀書處

寓鴻亭楊兆鳳讀書處

墨花莊謝重揚讀書處

望遠樓在適園前乾隆乙丑楊兆涑因孫方立公車北上遂  
作樓望之

藤石山房在西城外夏坊軒窗洞達前臨綿江左浸清池曲  
徑紆迴喬木茂密陽爲宜閣陰曰偶廬太學楊東菴課子  
姪處其族人楊兆嶮有記

半野園在西城外夏塘安仁司訓賴聖偲讀書處

潛廬在西城外二里恬村進賢司訓賴時善別業

瑞金縣志

卷四 園亭

四十九

宛在園在北城外二里貢生劉芳綱兄弟別業

太平齋在縣署前今爲吏舍

馮祥興里在城北馮屋岡

劉諫議第在城北半里古井尚存

劉十六郎宅在城東塘背

孝子朱鑑宅在城東北朱坊

龍山別墅在縣東北二十里王屋塘知州湯拱退休之所

萼園在西城外上楊墩諸生楊以叟別業

連峰樓在葉坪詩人謝適別業

蘭佩園在南岡一里貢生劉暉別業

春草園在城南一里溪背廩生楊長縉別業

附邑人楊兆涑銘王孫春草細相鮮仲弟芳室園于老織屋並翠內為凝虛堂楊兆涑題額曰若紳宗弟作室于老織

之次以居業也若紳嗜古而中懷若虛余為榜史公則曰凝虛魏書曰大道凝虛莊生亦曰惟道集虛而太史公則曰凝居實也鄧析子虛曰無得或欲持實或欲持虛之虛二者孰是而孰非也

有妙乎其用者矣若紳以為然乎其不然乎

稻香園在城南一里諸生楊綠別業

黃芝園在縣南一里龍山之麓嘗產芝草上有黃雲覆之西江

志作去縣八里雲龍山之麓誤今改正

陶心園在縣南二里

龍門閣去縣五十里扼綿水下流巨石屹岿閣踞其中亦勝

瑞金縣志

卷四 園亭

五十

地也

環可園貢生楊昌序別業

舊按園內樹石皆奇古可愛鶯嶺龍山雙清柳渡環繞左右每春秋佳日文人遊眺題詠甚多半村半郭洵邑

中名園也伊子光洙自記見藝文志

半山在城南鍾都尉春振別業學博張鶴舫有記

自新莊在城西夏坊州司馬楊輝野別墅

寺觀 塔附

自漢明帝時佛教始入中國至六朝而大盛梵宮琳宇幾徧天下金碧丹黃炫心駭目士大夫爭慕浮屠傾貲施捨在所不吝此韓昌黎所以爲闢佛言也逮唐宋以迄于今其風未衰大衆往往以供佛爲善行其間有因信佛而懷鬼神好誦經而興慈良者亦未可盡非瑞邑僻小顧寺觀之立幾七十餘所創建多出自募化富者或造佛像捐腴田作常住貲皆慕慈悲之教信因果之說亦以見都人士樂善好施之心不容盡沒也故錄而志之

勝因寺縣西一里唐開元初建後名聖恩寺明萬歷七年僧

瑞金縣志

卷四 寺觀

五十一

秉敬始分後殿法裔覺如重新殿宇及佛像戒堂

此寺久頹將圯咸豐七年寇燹疊擾遂致拆毀祇存基地同治十年前令孫札諭監生劉德芳等邀集募輸修復正殿二楹

東山寺縣北一里舊名淨衆寺祀定光佛唐天祐中建明正德丁丑邑大旱王文成公提兵討賊至此因爲民步禱甘霖立沛乃命有司致祭祭文及詩見藝文志寺前爲迎春祀句芒神所溪水泛漲堤改故步水入辰位萬歷甲寅知縣潘舜歷改河歸巽寺獲重興其改河壩土係皮日廉捐施明季寺燬僧海玉重建

國朝乾隆丙辰山門頽圯僧懷陸同一雨慧材等募衆修造

賴廷

捷有記 己巳又同住持禪筆紹遠等添建僧室

舊按臨川李穆堂先生乾隆初年贈懷陸上人麗藻逢  
休扁尚存寺中嘉慶十七年僧書亮於正殿右建靜室  
三楹顏曰辟塵離垢之居

合龍寺在縣東二十五里南唐時建

東明觀在縣前溪南岸蘇長公詩所謂浮金最好溪南景是  
也今觀廢基址尚存直長八丈八尺橫濶七丈六尺

南塔寺縣南一里舊名南山智覺院宋時建元成宗大德五  
年僧晴空建浮屠七級又名南塔寺明嘉靖二十五年寺

瑞金縣志

卷四 寺觀

五十二

燬于兵四十一年地震塔圯

國朝康熙間僧莖林重建寺宇乾隆元年僧日雲重修并興復

常住邑人楊于位作記 十八年建客堂三間

舊按南塔寺後殿近年燬於火牆垣頽圯附近居民或  
停放棺柩或砍伐樹木日久恐虞爭佔道光元年十一  
月本縣蔣據寺僧法建稟請飭查基址以防侵越特爲  
查載寺址丈尺於後

寺前外圍牆東西二十丈寺後外圍牆東西二十五丈  
寺左外圍牆南北五十丈寺右外圍牆南北三十五丈  
寺前自圍牆外量至下園子田墻二十七丈

拱辰寺在縣北一里原名元帝閣明萬歷丁丑邑人朱善卿  
楊正學募建

毓秀庵在縣北二里明萬歷乙卯知縣潘舜歷建其臺後空  
土係劉恩助族衆送出照以本縣給帖內界址開後

楊宅荒塘四面空土一大塊東至楊宅爲界路西至楊宅塘  
爲界北至劉宅墳埂爲界南至臺及西邊大路爲界外臺  
下左邊荒坪一塊開田以給僧人爲看守之費又隣界鍾  
明鳳等將馮屋一岡龍舌嘴祖坟前東路邊下荒土一塊四  
至以草坪爲界亦送入官二契收到官價銀四兩則毓秀  
臺前後左右皆官地矣今特表出以防後之侵伐傷龍脉  
者

潑翠居在城西三里順治庚子僧海濬建今庵基被水冲坍  
庵遂廢

瑞金縣志

卷四 寺觀

五十三

龍珠寺在縣西南五里明萬歷壬寅知縣堵奎臨建前爲龍  
珠塔故名岡巒透迤千松挺立一水環繞中有堵公井放  
生池乃一邑之勝地也甲寅知縣潘舜歷斷白茅庵田二  
十畝歸寺其寺前塘係民人易惟賢義施自

國朝康熙五十年以後住持不得其人常住蕩廢幾盡雍正初  
僧照亮接管乃興復常住重建山門栽植樹木以復舊觀  
龍珠塔在縣西南五里赤珠嶺爲縣水口位屬辛方前明萬  
歷壬寅建知縣堵奎臨首先捐俸更募邑人捐助會同邑  
紳鍾譔賴聘朱善卿鍾彥許宗謨楊永臯舉人楊以傑監  
生劉希善劉選楊正學庠生謝元璇李汶許繼濂楊以位

等總理其事慎選耆老謝仲誨楊可儼鄧必和謝元瑞楊勝林鍾榮祖劉希旺楊勝掠鄧必忠謝仲譁楊可佳鍾建實謝元賢鍾仲昂李文任鍾思化廖應顯廖玉琢賴朝簡賴朝箕楊萬明鍾承守鍾仲鳴分理其事塔成顏曰龍珠其塔基址係廖應賢應臺義施

按龍珠塔日久剝落道光十八年西關楊氏捐貲重修費千餘金族紳懋堂玉泉濬源煥衢悅中煥章經理

功成

文興寺在縣東南五里明萬歷丁巳知縣潘舜歷同邑人募建以護異塔邑民曾克秦施常鄉田五十畝入寺

文興塔舊名龍峯塔卽巽塔也在浮鄉三里方巾嶺明萬歷

瑞金縣志

卷四 寺觀

五十四

間知縣堵奎臨首議創立雙塔龍珠塔成遷去及知縣潘舜歷蒞任乃捐俸倡率邑紳朱善卿等全建

舊按前志文興塔基四圍嶺界原用價買尹承寵等岡山

一方巾嶺下塔前桃樹坑一塔後三公坑一塔上右邊茶山坑一塔上左邊打秋坑

以上四處俱以嶺嶺上分水直出坑口至山脚田路爲界附錄于此

壬田塔在招召鄉一里去縣三十里明萬歷間知縣潘舜歷從紳士朱善卿許宗謨朱國卿朱文紹等請願捐貲倡義不動官費鄉人喜助朱統與等董其事其塔遂成名曰龍見所謂坤方塔也

生生處在縣南龍山前臨縣前潭爲邑人放生處故名康熙  
戊午己未間僧成解來寺開堂說法規制開拓大倍于前  
乾隆己巳燬于火十四年僧翠巖等募衆重建邑人朱芾  
有記

丙峯塔在縣南五里爲學宮對山乾隆元年邑紳賴梯雲賴  
定俸等捐貲同貢生楊方堅生員楊長縉朱芾等募衆鼎  
建其地基里人鄧惟元義施塔成扁曰鵬圖

丁峯塔在縣南五里廟角乾隆元年與丙峯同建其地基里  
紳李秉禮子姓合房捐出塔成扁曰鳳鳴

南唐庵在縣北十里邑人鍾國炎建溪繞其右石環于左茂

瑞金縣志

卷四

寺觀

五十五

竹疎松遊人多題咏僧行一習靜于此

竹泉庵在縣西南十里賴婆埒四圍石壁蒼藹如洞從石門  
曲折入徑皆竹樹剝不甚廣而幽邃陰翳泉流一線直抵  
香積滴韻泠然山上僧種茶採製與銅鉢爭勝

羅源庵在縣南十里原係古剝僧仰山住此習靜改名仰山  
中有龍虎二并今塞其一嶺上生成一石圈建祖師龕龕  
久廢其基現存僧位居重建

松竇庵去城十五里烏華山中石峯突起萬松遮護最爲幽  
勝崇禎十年僧采若始建剝于此中有鬱嵐峯怡雲堂雲  
屏石空翠澗數流盤石香樓嵐浮亭古月臺諸勝采若有

松竇詩集行世采若歿後僧徒日衰庵業頽敗嘉慶十一年知縣惲率同紳士楊騰岳黃曉明等捐措存公銀兩百兩將庵內田山贖回延請清澗和尚住持碑文載藝文志

按松竇庵山業舊于乾隆三十九年知縣金遵檄起科發給印照一紙內載黃沙隘松竇庵東北以山脚爲界南至羅宅田爲界西至嶺頂爲界南面山頂自東至西橫量一百八十丈北自山頂至脚直長三百二十丈山脚橫量二百二十丈內墾田二十四畝應科納糧銀五錢五分七厘永爲世業至嘉慶間庵僧頽敗知縣惲偕邑紳楊騰岳等捐貲清復山業完全如舊令僧清澗住

持清澗後歷數十年僧人又漸次零落至同治時庵中祇老僧覺雲年逾七旬一徒愚頑不率教覺雲慮身後庵敗蹟滅乃訪得雪峰宗僧界貞祥兄弟師徒識理義願以庵業全行估價歸之議定受庵業僧不改庵名代奉故僧位無廢自采苦師以下故僧所葬墳墓代守祭掃議成同告捐貲邑紳後賢楊煥衢等皆許之同治己巳冬覺雲書賣契併舊存印照交界禎等手印照內業全無遺失貞等交清價銀承續住持松竇之名不泯

六峯庵去城三十里周遭皆石岑嶺嶙嶒千態萬狀今廢雲霧庵去城三十里一名龍鳳庵又名龍霧嶂上有仙女浴



池謝仙翁墓其地基田山俱宋鎮宋鑑泰寶等施出有碑記

實相寺在壬田寨去城三十里明李燬于賊

國朝康熙十五年僧德觀募建

眞隱寺在縣南四十里卽朝陽山

劉翰選施田五工及庵場油山

半邱庵在縣西北四十里芙山之麓兩山夾峙中畫田約四十畝先名紫龍順治辛卯僧智藻重新之易名半邱後百餘步僧塔在焉

竹素園城西一里僧性淳建貢生胡來桂捐地出貲助之東禪庵在縣北四十里邦坑邑人楊兆鳳有記

瑞金縣志

卷四 寺觀

五十七

蓮花仙庵在縣北五十里齊雲峯鄒忠介公有詩

驪珠庵在縣北九十里智鄉古刹也後爲俗姓侵佔僧荆開始捐貲復之四山環映修竹茂林內有羅星墩八合水勝蹟

金竹園在縣東七里僧象陳建

施田劉海千三畝陳堯章二畝傅公錫一畝張完忠五合

蓮花庵在城南三里僧寂華募建今廢

興隆庵在城西三里康熙初年建雍正十年邑人楊德信等募衆重建

金蓮寺城東二里其地基邑人賴惟棠等施出

崇善庵城東一里其地基邑人危東臯施出

寒光寺去城十里僧維哲建歐惟新賴時鵬賴時鳴楊以悌  
歐充乾賴時舉楊兆連等施官山嘴田二十三工糧六升  
一合永爲寺業

插柏林縣東十里康熙元年僧蘊素建後因水冲塌僧愧庵  
移建太平腦名曰植松園

曇花庵縣西南三里

覺照園城北一里康熙初僧三學建

慧雲山城東北五里其地基邑人危建帛施出

黃眉庵去城五里

老茶庵縣東一里

瑞金縣志

卷四

寺觀

五十八

四念庵縣東一里

白蓮寺去城三十里

牛沙庵城西十五里湖橋坑

桐木庵去城四十里

飯松庵去城五十里卽賴聖偲田莊

瑞雲山去城五十里

雪竹庵去城四十里僧妙持建

雙桂庵去城一里

功德林縣西南五里

楓坑庵去城三十里

漱林在縣西北五十里密村僧是啟重建

拂塵居縣西南五十里

西華山縣西十里長埠康熙三十六年燬于火乙酉年僧觀初募建其山場原係邑人楊叔莊祭產施出

水流庵縣西二十里

耦雲縣東南五里鳳岡雷峯嶺下明天啟間僧雪浦買劉姓荒山一片栽植樹木開創梵宇今一望皆古樹修篁四時蒼翠與山川壇相對居離巽之間爲一邑肇啟文明之地雪浦募衆并捐衣鉢貲置嶺脚田六十畝裔位居又築遠青居于耦雲之側復置田三十一畝五合爲祝聖供佛之用

瑞金縣志

卷四

寺觀

五十九

用

國朝康熙壬午位居沒山門漸就荒蕪其後法嗣紹謨乃堅持梵行重新修整耦雲及遠青常住遂得仍其舊云

翌峯在黃柏富坑僧妙持法嗣聲樸建

鶴林寺在生字號郭公灣林木陰翳□臨清流東山僧冰谷法嗣出石建邑人楊以兼有記

石林庵在黃柏營坑僧妙持法嗣秀芳建

蓮坑庵在縣西五十里

通濟庵去城二里

東華山去城十里

蘿山去城十五里

獅峯去城四十里

淨業園今廢

東勝禪院在東城外東嶽廟左

青峯林邑東離城十里

雲石山邑西沿灞離城三十里賴姓施

禪悅庵新中隘大坑離城二十五里僧應祥建

洗心庵新中隘小逕離城三十里僧清遠建雍正初年庵圯

法嗣應祥等重修

逸雲庵在智鄉姜坑離城八十里僧學甄建

瑞金縣志

卷四

寺觀

六十

靈覺寺縣北三十里雍正年間陳劉二姓施出田山咸豐間

頽壞佛像俱毀沒同治十年寺僧倡衆募修

鳳林庵在智鄉穩村對山林木深秀泉石清幽張綠野構庵

一所捐田七工木梓山一嶂爲奉佛供僧之費

紫林別境在縣東二十里均田因石崖中有大士像故名嘉

慶十七年邑人楊蔚青楊蓄峯楊德彰楊敬存等捐貲二

千六百餘緡建造里人楊家禧有序見藝文志

龍獅庵

茅即白庵

縣南四十里屋宇田山本係前明賴姓入官歸

學管理之業其詳已載入學曰下嗣因殿廡頽改賴姓子

孫貢生賴雲峯賴冠源賴亦山生員賴晉臣賴晉如賴勳

臣監生賴履安賴偲亭賴旭雲賴清源賴志中等于道光元年出貲重修

新增

團龍寺在浮四鄉白沙田水口自明以來皆劉姓修理

拂塵居縣西南五十里屢次皆劉翰選後裔修理

華林寺在土圍隘合隘捐貲建嘉慶三十年復修整

翠華寺俗名大仙腦合隘捐建于雍正年間其寺山脚下空

土俱係合隘公地現有禁山社簿存據

觀音堂在壬田寨市側萬厯間僧尙如捐建至咸豐初年僧

上霑重修

瑞金縣志

卷四 寺觀

六十一

獅子巖觀音石俗名獨石子中現一大士像故名其地在七堡

三仙廟在桃陽隘黃鱔口離城三十里嘉慶十六年建造參亭改名永隆廟

紫雲庵在桃陽隘離城十五里咸豐八年被賊焚毀十年合坊紳民重建其地基山岡胡求懿施出內至井下窩坑口至坑尾嶺頂并及山田數畝外庵門首至仙下墩山脚爲界桃陽隘黃鱔口木洋排山場左右至山脊其下截隨路

係周楊二姓施出其義塚隨路以上係范兆澐兄弟施出

迴龍寺在智鄉茶寮岡原係張綠野施捐歷久頽敗同治十

一年羅家祆募貲修復併捐田租十二担山業一塊爲奉  
佛之需

雲華山寺在壬田市一里餘俗呼茶山面